

Saqqummiunneqarpoq 29. april 2011 aningaasaqarnermut inuussutissarsiornermullu ministerimit
(Brian Mikkelsen)

Siunnersuut

una pillugu

**Aningaasaliisut aningaasalersuisullu qularnaveeqqusiiffiginissaannut
Aningaasaateqarfik pillugu inatsisip, aningaasaqarniarnikkut patajaatsuussuseq
pillugu inatsisip aamma akileraartarneq pillugu inatsisip allannguiffiginissaat
pillugu inatsit**

(Aningaaseriviit ajornartorsiortunut akileeqaataassuteqartalermissaq)

§ 1

Inatsimmi aningaasaliisut aningaasalersuisullu qularnaveeqqusiiffiginissaat pillugu, tak.inatsimmik nalunaarut nr. 133, 22. februar 2011-meersoq, inatsimmi nr. 718, 25. juni 2010-meersumi § 21-kkut allannguuteqartitami, matumuuna imatut allannguisoqarpoq:

1. § 2 imatut oqaasertaqassaaq:

»§ 2. Aningaaseriviup aningaasalersuisartutut ingerlatsiveqarneq pillugu inatsisimmi § 7 tunngavigalugu akuerisaalluni ingerlassaqartup aningaasalersuisartutut ingerlatsiveqanermut inatsimmi aningaasaqassuseq pillugu piumasaqaataasut naammassisinnaajunnaarpagit aammalu § 227, imm. 1, aningaasalersuisartutut ingerlatsiveqarneq pillugu inatsit naapertorlugu piffissaliisoqarsimappat aammalu aningaaseriviup aningaasalersuisartutut ingerlatsiveqarneq pillugu inatsimmi kapitali 4 b-mi atuukkunnaartitsinermut malitassat tunngavigalugit iliuusissani aallarnisarsimappagit, taava Aningaasaateqarfik aalajangersinnaavoq aningaaseriviup atuukkunnaartinnissaanut peqataassalluni, aningaasaliissute-qarnikkut imlt. aningaaseriviup salliutitassatut akiitsoqarfiisa tamarmik matusivigineqarnissaannut qularnaveeqqusiinikkut, tak. aningaasaqarniarnikkut patajaatsuussuseq pillugu inatsimmi § 16 k (akileeqaataasut). Aningaasaateqarfiup tamanna aalajangiiffigissavaa ilima-gineqarpat taamatut atuukkunnaarsitsineq aningaasaqarniarnikkut patajaatsuussuseq pillugu inatsimmi §§-it 16 e – 16 i-ni aalajangersakkat malillugit atuukkunnaarsitsinermingaanit Aningaasaateqarfimmut akikinnerussasoq aammalu aaqqiineq tamanna niuernerpalaarnikkut attanneqarsinnaassasoq.

Imm. 2. Aningaaserivimmik atuukkunnaarsitsinermut atatillugu aningaaseriviup aktiaatiminut, qularnaveeqqusikkaminut imlt. piginneqataaffigisaminut allatullu salliutitassaannngitsutut akiitsoqarfimminut matussusiinissaminut atugasaanik aningaasaliilluni imlt. Qularnaveeqqussilluni peqataanissaq.

Aningaasaateqarfimmit aalajangiiffigineqarsinnaangilaq, tak. aningaasalersuisartutut ingerlatsiveqarneq pillugu inatsimmi §§-t 132 aamma 136.

Imm. 3. Aningaasaateqarfiup aningaaseriviit pillugit immikkoortortaqarfini aqutigalugu akileeqaataassuteqarnermut atasumik aningaasartuutit aammalu Aningaasaqarniarnikkut Patajaatsuuneq A/S-ip aaqquissuussinermik isumaginnittussaataitanermigut aningaasartuutai akilissavai.

Imm. 4. Inatsimmi imm. 1 tunngavigalugu peqataanissamut aalajangiisuussapput Aningaasaateqarfiup siulittaasua siulittaasullu tullia kiisalu siulersuisuni aningaaseriviit § 3, stk. 1, nr. 1-imi taaneqartut sinniisuutitaat marluk, naliliisussatut siunnersuisooqatigiit innersuussuteqareernerisigut, tak. § 5, imm. 8.

Imm. 5. Aningaasaateqarfiup imm. 1 tunngavigalugu peqataanissaa allat peqatigalugit pisinnaavoq.«

2. § 5-imi *imm.* 8-tut ilanngunneqassaaq:

»*Imm.* 8. Atuukkunnaarsitsinermit immikkoortortaqarfiup naliliisussatut siunnersuisooqatigiivisa nalilersussavaat § 2 naapertorlugu peqataanerup aningaasalersuisartutut ingerlatsiveqarneq pillugu inatsimmi §§ -t 16 e -16 i tunngavigalugit atorunnaarsitsinerminngaanniit Aningaasaateqarfimmut akikinnerussanersoq aammalu aaqqiineq niuernerpalaartumik isigalugu attanneqarsinnaanersoq. Naliliisussatut siunnersuisooqatigiinni ilaasortat aningaaserivik suliffigisartik pillugu naliliinermit peqataaqqusaanngillat. Aningaaserivik naliliisussatut siunnersuisooqatigiinni ilasortaataqartoq aningaserivimmut ajornartorsiortumut neqerooruteqarsinnaanngilaq, ilaasortaq pineqartoq naliliisussatut siunnersuisooqatigiinni naliliinermit peqataasimappat.«

3. § 18, *imm.* 4, imatut oqaasertaqassaaq:

»*Imm.* 4. Atuukkunnaarsitsinermit immikkoortortaqarfiup naliliisussatut siunnersuisooqatigiivi 4-nik ilaasortaqaassaaq, aningaaseriviit § 3, imm. 1, nr. 1-imi taaneqartut sinnerlugit. Ilaasortat ukiuni pingasuni atasussatut aningaasaqarnermut inuussutissarsiornermullu ministerimit Aningaasatigut Siunnersuisooqatigiit innersuussaqaarnerisigut toqqaarneqassapput. Periuseq tamanna aamma atorlugu sinniisussanik toqqaasoqassaaq. Naliliisussatut siunnersuisooqatigiinni ilaasortat akunnerminni siulittasussaminnik toqqaassapput. § 21 c aamma naliliisussatut siunnersuisooqatigiinni ilaasortanut tassanilu sinniisussanut atuutissaaq.«

§ 2

Aningaasaqarniarnikkut patajaatsuuneq pillugu inatsimmi, tak. inatsimmik nalunaarut nr. 875 15. september 2009-meersoq, allannguuteqartitami inatsisip nr. 516 12. juni 2009-imeersup § 14-ani, inatsisip nr. 127 16. december 2009-imeersup § 7-ani, inatsisip nr. 721 25. juni 2010-imeersup § 1-ani aamma inatsisip nr. 1556 21. december 2010-imeersup § 14-ani, imatut allannguisoqarpoq:

1. Kapitali 4-mi § 16 j-ip kingorna ilanngunneqarpoq:

»§ 16 k. Aningaasaqarniarnikkut Patajaatsuuneq A/S-ip pivi-usunngortissavai, aningaasaliisut aningaasalersuisullu Aningaasaateqarfianit aalajangiunneqartut, aalajangiinermit malinneqassallutik aningaasaliisut aningaasalersuisullu qularnaveequsiiffiginissaanut inatsimmi § 2, pineqarluni aningaaseriviup salliutitassatut akiitsoqarfiinut matusissutissanik aningaasaliineq imlt. qularnaveequsiineq (akileeqaataassut).

Imm. 2. Aningaasaqarniarnikkut Patajaatsuuneq A/S-ip imm. 1 malillugu piviusunngortitsinerani piunnaasaataasinnaavoq ammasumik erseqqarissumillu periuseqarluni aningaaserivinnut piginnilersinnaanermut soqutiginnittunut neqerooruteqarnissamik periarfissiinissaq.

Imm. 3. Aningaasaqarnermit inuussutissarsiornermullu ministerip Aningaasaqarnermit Patajaatsuunermut A/S maleruagassiuussinnaavaa, aningaaserivimmik atuukkunnaartitsinissamik imm. 1 najoqqutaralugu peqataanera pillugu aammalu tamatumunnga atatillugu Aningaasaqarniarnermut Patajaatsuunermut A/S-ip,

Aningaasanut Nakkutilliisuutitat aamma Aningaasaliisut aningaasalersuisullu qularnaveequsiiffiginissaannut Aningaasaateqarfiup akornanni suleqatigiinneq pillugu, aamma ilanngullugu piginnilersinnaanermut soqutiginnittunut neqeroortitsineq pillugu.«

§ 3

Akilaartarneq pillugu inatsit, tak. inatsimmut nalunaarut nr. 1365 29. november 2010-meersoq, kingullermik inatsimmi nr. 254 30. marts 2011-meersumi § 7-kkut allannguivigineqartoq, imatut allannguivigineqarpoq:

1. § 7 B, imm. 2-mi, pkt. 1-ip kingorna ilanngunneqarpoq:
»Tamanna aamma atuuppoq aningaasanut aningaasaqarniarnikkut patajaatsuussuseq pillugu inatsimmi § 16 k malillugu aningaasaliissutaasunut.«
2. § 7 B, imm. 2, 2. pkt., 3. pkt.-nngortussaq imatut oqaasertaqassaaq:
»Pisussaaffiit piginnittuulersumit tiguneqartut, 1. imlt. 2. pkt.malillugit matusivigineqartortai, aningaaserivimmik ajornartorsiortumik piginnittuulersunit nalilittut pigisarilikkat pisiarineranni akiliutigisat ilaattut isigineqarsinnaanngillat.«

§ 4

Aningaasaqarnermut inuutissarsiornermullu ministeri pisinnaatitaavoq inatsisip atuutilerfissaa aalajangiiffigissallugu.

§ 5

Imm. 1. §§-t 1 aamma 3 Savalimmiunut Kalaallit Nunaannullu atuutinngillat, taamaattoq tak. imm. 2.

Imm. 2. § 1 Kunngip peqqussutaatigut tamakkiisumik ilaannakortumilluunnit Kalaallit Nunaannut Savalimmiunullu atuutilersinneqarsinnaavoq, Kalaallit Nunaanni Savalimmiunilu pissutsit aallaavigalugit allaassuteqarsinnaassuseqarluni.

Inatsisissatut siunnersummut nassuiaat

Oqaaseqaatit nalinginnaasut

Imarisat

1. Aallarniut
2. Tunuliaqutit
3. Inatsisissatut siunnersuutip imarisaa
 - 3.1. Aningaasaleeqataanikkut aaqqiinerup ilusaa
 - 3.2. Aningaasaleeqataanikkut aaqqissuussinerup aningaasalersorneqarnera
 - 3.3. Akilaartarneq pillugu inatsit
4. Naalagaaffimmut, kommuuninut nunallu immikkoortuinut aningaasatigut allaffissornikkullu sunniutissat
5. Inuutissarsiornermut aningaasatigut allaffissornikkullu sunniutissat
6. Innuttaasunut allaffissornikkut sunniutissat
7. Avatangiisitigut sunniutissat

8. EU-mi maleruaqqusanut tunngasut

9. Tusarniaaneq

1. *Aallarniut*

1. oktober 2010 inatsit nr. 721 25. juni 2010-meersoq atuutilerpoq; tassani allannguiffigineqarput aningaasaqarniarnikkut patajaatsuuneq pillugu inatsisit, aningaasalersuisartut ingerlatsiveqarneq pillugu inatsisit, aningaasaliisut aningasalersuisullu qularnaveeqqusiffiginissaannut Aningaasateqarfik pillugu inatsisit aamma nalagaaffimmut akileraaruteqaataasussanik naatsorsueriaaseq pillugu inatsisit (aningaaserivinnut ajornartorsiortunut naalagaaffiup nalinginnaasumik qularnaveeqqusiisarnarata atorunnaanerata kingorna iliuuserisassat pillugit) (matuma kingorna Bankpakke III-tut taaneqartartussaq).

Inatsit taanna aqutigalugu aningaaserivinnut ajornartorsiortunut iliuusissatut aqqissuussineq 30. september 2010-p kingorna pilersinneqarpoq, Aningaasaqarniarnikkut Patajaatsuuneq A/S nangittumik periarfissinneqarluni aningaaserivinnik ajornartorsiortunik tigusinissaminut, atuukkunnaarsitsinissaq siunertaralu kisianni nalinginnaasumik naalagaafimmiit qularnaveeqqusiinertaqanngitsumik. Bankpakke III taamaallaat atuuppoq aningaaserivinnut aningaasanik uninngatitanik tigooqqaasunut, tamatumuunatigullu Qallunaat Nunaanni aningaserivittut ingerlatsinissamut akuerisaasunut.

Bankpakke III-mik atuinissamik aalajangiinissaq taamaallaat aallarnisarneqarsinnaavoq, aningaaseriviup nammineerluni niueqatigiinnikkut aaqqiissutissanik ujartuineri kinguneqartitsinngippata. Taamaalilluni aningaaserivik aatsaat Bankpakke III tunngavigalugu iliuseqarfigineqarsinnaavoq, paasinarsippat aningaaserivik aaqqiissutissamik aningaasaateqarnissamut piumasaqaatinik naammassinnittumik angusaqarsinnaanngitsoq. Taamaalilluni aqqissuussinermi siunertarineqarpoq, niueqatigiinnikkut aaqqiissuteqarnissaq inunnullu ataasiakkaanut piginnittuulersitsinissaq ujartuiffigineqaaqqaassasut, Bankpakke III-p Aningaasaqarniarnikkut Patajaatsuuneq A/S aqutigalugu atorneqalinnginnerani. Taamatut Bankpakke III taamaallaat akiliisinnaajunnaarnermik nalunaarutiginninnermit allaanerusumik periarfissiivoq, aamma niueqatigiinnikkut aaqqiissutaasinnaasut inunnullu ataasiakkaanut piginnittuulersitsinissaaneq siullertut periarfissiuunneqassapput atuukkunnaarsitsinermi aqqissuussineq atorneqalertinnagu.

Taamaattoq maannamut misilittakkat takutippaat, namminerisamik aningaasarsiornermik ingerlataqartut akornanni aaqqiissutissanik nassaarniarneq ajornakusoorsinnaasoq. Tamanna aamma atuuppoq aningaaseriviup ajornartorsiortup amigartoorutiminik aningaasarsiornermik ingerlataqartut pilersitaat Aningaaseriviit, Sparekassit, Andelskassit ajornartorsiortunut Nammineerluni Piareersimaffik, (Det private Beredskab) aqutigalugu matussutissiornerani.

Tamatuma kingunerisaanik Bankpakke III atorlugu atuukkunnaarsitsinermik aqqissuussinernup atulinnginnerani nammineerluni aaqqiissutaasinnaasunik periarfissiuussinnaanerup pitsaanerulersinneqarnissaannik apeqqut isumaliutersuutigineqarsimavoq.

Tamanna tunngavigalugu siunnersuutigineqarpoq aqqissuussineq eqqunneqassasoq, aningaasaliisut aningaasalersuisullu qularnaveeqqusiiffiginissaannut Aningaasaateqarfik

(Indskydergarantifonden), taanna aalajangiisinnaalersillugu aningaaserivimmik ajornartorsiortumik atuukkunnaarsitsinermi peqataanissamut, aningaaserivimmik aningaaserivim-mik ajornartorsiortumik piginnittunngornissamut soqutiginnittumut aningaasaliineq imlt. salliutitassatut akiitsoqarfinnut matusissutissanut qularnaveeqqusiinermut (akileeqaataassuteqarnermik aaqqissuussineq) atorlugu. Aningaasaqarniarnikkut Patajaatsuuneq A/S taamatut aalajangiisoqartillugu piviusunngortitsisuussaaq.

Aningaaserivinnut ajornartorsiortunut iliuseqarnermut tunngatillugu akileeqaataassummik aaqqissuussinerup siunertaraa, aningaaseriviup ajornartorsiortup ingerlataanik eqaatsumik niuernerpalaartumillu atuukkunnaarsitsinissaq aqutissiuutissallugu, aningaaserivimmit allamit pigineqalersinnaneranut periarfissiuussinikkut, ilutigisaanillu Aningaasaateqarfik aningaasartuutimigut annikillisaavigineqassammat Bankpakke III atorlugu atuukkunnaarsitsinerminganniit.

Taamaalilluni akileeqaataassuteqarnermik aaqqissuussineq atorneqartillugu aningaasaateqarfik ajornartorsiortoq atuukkunnaarsinneqassaaq pigisaasa akiligassaataasalu tamakkiisumik aningaaserivimmit allamit, ingerlataanik tamanit niuernermik attanneqarsinnaasumik ingerlatsisinnaasumit, pigineqalerneratigut. Tamanna akiitsoqarfinnut salliutitassanut tamanut pitsaaqutaassaaq, ilanngullugit aningaasaliisut annaasaqarusunngitsut. Aningaaserivik piginnittunngortoq piginnittunngoreernermi kingorna immi-nut akilersinnaassuseqassaaq, aamma ungasinnersusoq eqqarsaatigalugu, aammalu aningaasatigut, siulersorneqarnermigut il.il. piginnaassuseqarfigissallugu aningaaserivimmik ajornartorsiortumik piginnittuulernissaq, taamaalillunilu aningaaseriviup ajornartorsiortup inissisimanerata ataavartumik aaqqissuussiiviginissaa periarfissinneqassalluni.

Aningaasaateqarfik aningaasaliisinnaassuseqanngilaq ingerlatsiviup aningaasaateqarneranut aningaaseriviullu ajornartorsiortup salliutitaanngitsumik akitsoqarfiinut eqqanaarinnissutaasussanik.

Akileeqaataassuteqarluni aaqqissuussinermik atuutilersitsinikkut suleriaaseq aalajangersimasooq pilersinneqassaaq, kingunerissallugu tigussaasumik naliliisinnaalernissaq, aningaaseriviup ajornartorsiortup nalilittut pigisaasa akiligassaqarfiisalu allamit pigineqalerneranut atatillugu akileeqaataassuteqarnissaq aningaasatigut niuernikkullu orniginartuunersoq, Bankpakke III Aningaasaqarniarnikkut Patajaatsuuneq A/S sullissisoralugu atuukkunnaarsitsinissamut sanilliullugu.

Akileeqaataassusiilluni aaqqiinermi aningaasartutit tamarmik, ilanngullugu Aningaasaqarniarnikkut Patajaatsuuneq A/S-ip piviusunngortitsinera, Aningaasaateqarfimmit akilerneqassapput.

Siunnersuummut tunngatillugu isiginiarneqassaaq, akileeqaataassutsumik aaqqiinermut aningaasartuutit aningaasarsiornikkut ingerlataqartunit matususerneqassammata, aammalu siunnersuutip taamaallaat sinaakkusissammagu, ingerlatsiveqarfiit akornanni niuernerpalaartumik aaqqiissutissamik nassaarniarneranni suliap ataqatigiissaakkamik ingerlanneqarnissaa.

Aammattaaq eqqanaarneqassaaq atuukkunnaarsitsinerni sakkussat sullissivinni sapinngisamik ikinnerpaani katersuuffeqarnissaat, isumalluutit pitsaanerpaamik atorsinnaanerannik eqqanaarinninnissaq siunertaralugu.

2. *Tunuliaqutit*

1990'ikkunni Aningaasaateqarfik malittassat taamani atuuttut tunngavigalugit (inatsit nr. 415, 26. juni 1998-meersoq aningaasaliisunut aningaasalersuisunullu qularnaveeqqusiiffissaannut aningaasaateqarfik pillugu) atuukkunnaarsitsinermut atasumik aningaasaliinissamut qularnaveeqqusiinissamullu pisinnaatitaavoq, aningaaseriviup salliutitassat akiitsoqarfiinut matusissutissanik. Taamaattoq aningaasaliissutit qularnaveeqqusiissutillu akiliisinnaajunnaartoqassagaluarpat Aningaasaateqarfiup annasaqaatigisinnaasaatut ilimasuutaasinnaasunit amerlanerusinnaatitaanngillat.

Aningaasaliisut qularnaveeqqusiiffiginissaannut Aningaasaateqarfiup inatsisitigut nr. 347, 17. maj 2000-meersup atuutilerneratigut Aningaasaateqarfik nangittumik periarfissaqarpoq aningaaserivimmik atuukkunnaarsitsinissamut peqataasinnaanermut, aningaaseriviup salliutitassat akiitsoqarfiinut matusissutissanik aningaasaliineq imalt. Qularnaveeqqusiineq aqqutigalugit, kisiannili Aningaasaateqarfik periarfissaqartitaanani aningaaserivimmik piginnittuulernissamut. Ilutigitillugu Aningaasaateqarfik periarfissinneqarpoq aningaaserivimmut piumasaqaateqarsinnaalerluni, ass. aningaasaliinissamut piumasaqaataasinnaavoq, aningaaseriviup siuttuunik taarsiisoqassasoq. Aaqqissuusineq tamatuma kingorna akileeqataassuseqarluni aaqqissuussinermik taaguuteqalerpoq.

2000-imi inatsimmik allannguinnikkut anguniarneqarpoq aaqqissuussinerup naalagaaffiup tapiissuteqarsinnaaneranut inatsisitigut malitseqartitsisinnaanerisa sillimaffiginiarnerat ilutigitillugulu aaqqissuussinerup nangittumik sulisinnaassuseqarnissaa. Kisianni paasinarsivoq aaqqissuussinerup tamakkiisumik sulisinnaassuseqarnera Aningaasaateqarfimmu ajornartorsiuteqartitsisoq, tassani pequtaallutik piumasaqaatit atuutsinneqartariaqartut EU-mi malittarisassat naalagaaffiup tapiissuteqarsinnaaneranut tunngasut Aningaasaateqarfimmu atuutinnginnerat. Taamaattumik 2007-imi aaqqissuussineq inatsit nr. 576, 6. juni 2007-meersutigut atorunnaarsinneqarpoq, ilutigitillugulu inatsisitigut tunngavissinneqarpoq piumassutsikkut aaqqissuussinermik pilersitsiso-qarsinnaanera.

Tamanna tunngavigalugu 2007-imi Namminerisamik Piareersimasut Aningaasanut Siunnersuisooqatigiinnit pilersinneqarput, siunertaralugu peqataanermikkut aningaaseriviit, sparekarsit andelskarsillu – akiliisinnaajunnaarnerannit periarfissatut allatut – atuukkunnaarsinneqarnerannut atatillugu aningaaserivik, spare-andelskarsiluunniit alla aningaaserivimmik ajornartorsiortumik pisisinnaalersillugu ingerlatitsisinnarsinnaalersillugulu.

Kisianni aningasatigut ajornartorsiornersuup nalaani misilittakkat takutippaat, aningaaserivinnut ajornartorsiortunut aaqqiissutissanik namminerisamik nassaarniarneq ajornakusoortuusoq, allaat Namminerisamik Piareersimasut ataani. Tamatuma kingunerisaanik kissaatigineqarpoq Aningaasaqarniarnikkut Patajaatsuuneq A/S-imit atuukkunnaarsitsinissaq suli pitinnagu, niuernernikkut aaqqiissutaasinnaasut aamma inuit ataasiakkaat aningaaserivinnik ajornartorsiortunik piginnittuulersitsisinnaanerannik periarfissaasa pitsanngorsaavigineqarnissaat. Tamanna ilutigalugu EU-kommissioni

aningaasatigut ajornartorsiornermut atatillugu arlalinnik nalunaaruteqarnikuuvoq, malitassat assigiinnigitsut tunngavigalugit naalagaaffiup tapiissuteqarsinnaaneramik periarfissiisunik. Kiisalu aamma aningaasatigut ajornartoornersuup kingunerisaanik EU-Kommissioni malitassanngortussamik suliniuteqalersimavoq, tassani siunniussaalluni aningaasaliisut qularnaveeqqusiiffiginissaannut Aningaasaateqarfiit aningaaserivinnut ajornartorsiortunut iliuutsinut peqataasinnaanermi amerlanerusunik sakkussaqaalernissaat.

Tamannarpiaq tunngavigalugu inatsisissatut siunnersuut manna aqqutigalugu aaqqissuussineq pilersinniarneqarpoq, aningaaseriviup ajornartorsiortup pigisai nalillit akiligassaqaqarfiilu tamarmik aningaaserivimmit allamit pigineqalersinnaanerannik periarfissaqaalernissaq, aningaaseriviup ajornartorsiortup salliutitassatut akiitsoqarfiinut matusissutissanik aningaasaliinikkut imlt. qularnaveeqqusiinikkut; tassami taamatut iliuuseqarnermi aningaasartuutit tamakkiisumik Aningaaserivimmit akilerneqassapput taannalu aamma aalajangiivigineqassalluni aaqqissuussineq tamanna atorneqassanersoq.

3. Inatsisissatut siunnersuutip imarisaa

3.1. Akileeqaataassuteqarnermik aaqqissuussineq

Inatsisissatut siunnersuutikkut eqqunniarneqarpoq akileeqaataassuteqarnermik aaqqissuussineq, Aningaasaateqarfimmut aalajangiisinnaassuteqartitsisoq aningaaserivimmut piginnittuulersussamut aningasaliisinnaaneramik imlt. Qularnaveeqqusiisinnaaneramik (akileeqaataassut) aningaaseriviup ajornartorsiortup salliutitassatut akiitsoqarfiinut matusissutissanik.

Aningaaserivinnut ajornartorsiortunut iliuutsinut tunngatillugu taamatut akileeqaataassuteqarnermik aaqqissuussineq periarfisseeqataassaaq, aningaaseriviup ajornartorsiortup ingerlataanik eqaatsumik niuernerpalaartumillu atuukkunnaartitsisinnaanermut, ingerlatat taakku aningaaserivimmit allamit tiguneqarnerisigut. Tamatumunnga ilutigitillugu siunnersuutigineqarpoq aningaasaqarniarnikkut patajaatsuussuseq pillugu inatsimmi periarfissaalissasoq, Aningaasaateqarfiup aningaasaliinissamik imlt. Qularnaveeqqusiinissamik aalajangiinerinik piviusunngortitsinissamik Aningaasaqarniarnikkut Patajaatsuuneq A/S-p ingerlatsisulissasoq aammalu aningaaserivinnut akileeqaataassuteqarfigineqarlutik piginnittuulernissamik soqutiginnittut iliuuserisariaqakkat pillugit sullissisulissasoq.

Sinnersuutigineqartutut akileeqaataassuteqarnissaq atorneqarsinnaasassaaq aningaaserivik akiliisinnaassuseqarnissamut piumasaqaatinik imlt. aningaasalersuisartutut ingerlatsineq pillugu inatsit malillugu aningaasaatit minnerpaaffissaannik naammassinnissinnaajunnaarpat, kiisalu aningaaserivik ajornartorsiortoq aalajangersimappat Aningaasaqarniarnikkut Patajaatsuuneq A/S-imit atuukkunnaartinniarluni aningaasaqarniarnikkut patajaatsuussuseq pillugu inatsit tunngavigalugu, tak. § 16 f, imm. 1, aningaasaatit pigineqartussat Aningaasanut Nakkutilliisuutitanit piffissaliussap iluani pissarsiarisinnaangikkunigit.

Siullertut periarfissamik atuinissamut piumasaqaataavoq, Aningaasanut Nakkutilliisuutitat piffissalliussaata naanerani piginnittuulernissamut isumaqatigiissutissatut missingiummik isumaqatigiittoqarsimanissaa, tassani aningaaseriviup pisussaaffigilerlugu aningaaserivimmit ajornartorsiortumit pigisat nalillit akiligassaqaqarfiillu akileeqaataassummut aalajangikkatut annertussusilimmut taarsiullugu

tigussallugit, salliutitassatut akiitsut ingerlatsiviullu aningaasaatai kisiisa pinnagit. Isumaqatigiissutip atuutlernissaanut piumasaaqaataasinnaavoq – suliami tassanerpiaq tamanna pisariaqarluinnarneqarpat – ammasumik erseqqarissumillu pisisussarsiuussineqassasoq. Aammattaaq isumaqatigiissutip atuuttuulernissaanut piumasarineqarsinnaavoq, aningaasaqarnermut inuussutissarsiornermullu ministerip akuersissuteqarnissaa, tak. aningaasalersuisartutut ingerlatsineq pillugu inatsimmi § 204 kiisalu immaqa aamma unammilleqatigiinnermut pisortanit akuersissutigineqarnissaa.

Ilanngullugu periarfissaq aatsaat atortinneqarsinnaavoq, Aningaasaateqarfimmit aalajangiunneqarpat, akileeqataassusiineq ataatsimut isigalugu aaqqiissutaasoq Aningaasaateqarfimmut aningaasatigut orniginarnerpaajusoq (aningaaserivinnut immikkoortorta qarfik kiisalu atuuk- kunnaarsitsinermit immikkoortorta qarfik eqqarsaatigalugit) aammalu aaqqissuussineq niuernerpalaartumik eqqarsarluni attanneqarsinnaasutut isigineqarpat. Aalajangiinissamut tunngavissat naliliisussatut siunnersuisooqatigiinnit suliarineqassapput, paasisutissat Aningaasaqarniarnikkut Patajaatsuuneq A/S-imit pissarsiarineqarsimasut tunngavigalugit apeqqutit pineqartut marluk naliliiffigissallugit.

Aningaasaqarniarnikkut Patajaatsuuneq A/S pisussaavoq uppersaatissat paasisutissallu pisariaqartut pissarsiarissallugit, nalilissussatut siunnersuisooqatigiinnut atugassanngortillugit. Taakku nalilersussavaat aningaaserivik ajornartorsiortoq pillugu iliuuseqarnermi akileeqataassuteqarnikkut peqataaneq paasisutissat saqqummiunneqartut tunngavigalugit Aningaasaateqarfimmut aningaasatigut orniginarnerunersoq, Bankpakke III-p iluani atuukkunnaarsitsinermik aaqqissuussineq atuuttooreersumut sanilliullugu. Tamatumunnga atatillugu isiginiarneqassaaq, atuukkunnaarsitsinissamik aaqqissuussinermit atuuttuusumi Aningasaqarniarnikkut Patajaatsuuneq A/S-imi naliliisartuutitaasut pisussaaffigimmassuk aningaaseriviup ajornartorsiortup ingerlataat misissuiffigissallugit, tassanilu naliliinerit misissoqqissaarneqassallutik misissueqqissaarinermit immikkut ilisimasalinnit, naliliisussatut siunnersuisooqatigiinnit toqqakkanit aningaasaqarnikkut nikingassutsit pillugit kisitsisitaliinissaq siunertaralugu, tak. aningaasaqarniarnikkut patajaatsuunissaq pillugu inatsimmi § 16 g, imm. 7. Taamaattumik naliliisussatut siunnersuisooqatigiit nikingassut pillugu isummernialerneranni aamma pissusissamisuusaaq, naliliisussatut siunnersuisooqatigiinnit ilanngullugu naliliiffigissallugu, aningaasaqarnikkut niuermikkullu aningaaseriviup ajornartorsiortup ingerlatsineranik atuukkunnaartitsinermit orniginarnerunersoq akileeqataassuteqarnikkut peqataanissaq. Naliliinermit takuneqarsinnaassaaq, naliliisussatut siunnersuisooqatigiit akornanni Aningaasaateqarfimmut aningaasartuutissatut ilimagineqartut pillugit sanilliussisoqarsimasooq (tassani pineqarlutik aningaaserivinnut immikkoortorta qarfiup aammalu atuukkunnaartitsinermit immikkoortorta qarfiup aningaasartuutissaat) atuukkunnaarsitsinermit aaqqissuussineq atuutereersoq tunngavigineqassagaluarpat aammalu qanoq annertussuseqassanersut akileeqataassut atorlugu peqataaneq atorneqassagaluarpat.

Naliliisussatut siunnersuisooqatigiit aamma nalilersussavaat aningaaserivik tigusisoq aamma piffissaq sivisunerusoq isigalugu aningaaserivimmik ajornartorsiortumik isumaginnilluarsinnaanersoq. Tamatumunnga atatillugu Aningaasanut Nakkutilliisuutitat aaqqissuussinerup attalluarsinnaaneranik naliliinera pingaartinneqassaaq aammalu Aningaasanut Nakkutilliisuutitanit taamaalilluni aningaaseriviup ajornartorsiortup aningaaserivimmit piginnittussaalersussamit ingerlanneqartussanngornera akuersaarne-

qarsinnaanersoq. Ilimagineqarpoq Aningaasaateqarfimmi nalilersuineq piffissap sivikitsuinnaap ingerlanerani pisinnaassasoq, taamaattumillu ilimagineqarluni naliliinermi piffissami tassanerpiaq pissutsit tunngavigineqassasut, paasissutissat aningaaserivimmit piginnittussaalersussamit namminermit pissarsiarineqarsimasut aallaavigalugit. Taamaammat ilimagineqassaaq naliliineq taamaallaat paasissutissanik piffissami sivikitsuinnarmi pissarsiarineqarsinnaasunik tunngavilik saqqummiunneqassasoq.

Akileeqataassutsip atornissaanik isumaqatigiissumik aalajangiisuussapput Aningaasaateqarfimmi siulittaasoq, siulittaasup tullia kiisalu Aningaasaateqarfiup aningaaserivinnut immikkoortorta qarfiata sinniisuutitai marluk.

Isumaqatigiinnertaqanngippat akileeqataassutsimik aaqqissuussineq atornerqarsinnaatitaassanngilaq.

Aningaasaateqarfimmit aningasaliiffigineqarsinnaanngillat ingerlatsiviup nalilitutt pigisaanik (aktiaatit, qularnaveeqquusiissutitut piginneqataassutsitullu pigisat) aamma salliutitaanngitsunik akiitsoqarfiit sillimmasiiviginissaannut atugassat.

Aningaasaateqarfimmi siulersuisut naliliisussatullu siunnersuisooqatigiit aningaasarsiornermut ingerlatsiveqarfiit akornanni sinniisunit katitigaapput, taamaattumillu taakku soqutigisarivaat eqqanaassallugu aaqqissutissatut qinerneqartup aningaasarsiornikkut orniginartuuneranik naliliinerup sapinngisamik eqqortuunissaa niuernerpalaartuunissaalu; tassungalu ilaatillugu pingaarutilittut soqutigisarissallugu aningaaserivimmut piginniittuulersussamut akileeqataassusiinerup annertuallaannginnissaa. Siunertarerpiarlugu aningaaserivik piginnittuulersussaq annertuallaamik akileeqataassummik pissarsinermigut aningaasaqarniarnikkut unammillertiminut allanut sanilliulluni pitsaanagerusumik inissisimalinnginnissaa, aalajangerneqarpoq akileeqataassusiinissamik aalajan-giussineq pissasoq, aningaaserivinnut sinniisuutitai marluk peqataanerisigut, aammalu aalajangiiniarnermut tunngavissat suliarineqassasut naliliisussatut siunnersuisooqatigiinnit, taakkumi ingerlatseqatigiiffiit taama ittut pillugit ilisimasaqarlutillu pissutsit pulaffigilluarsimavaat, taamaalillutillu sakkussarissaarlutik akileeqataassuseq niuernerpalaartumik isiginnittaatsimut tulluarnersoq naliliiffigissallugu. Aningaaseriviit piginnittuulerusullutik soqutiginnittut amerlatillugit imaluunnit akileeqataassutissatut kissaatigineqartoq annertussuseqarluartillugu, taava imaalluarsinnaavoq nalagaaffinnit tapiissuteqarsinnaanermut EU-mit maleruagassat aallaavigalugit piunasaqaataasariaqartoq, aningaaserivimmut piginnittuulersussamut akileeqataassutissap inaarutaasumik atuutilersinneqannginnerani ammasumik erseqqarissumillu periuseqarnikkut aningaaserivimmik piginnilersussatut soqutiginnissinnaasut allat neqerooruteqarnissaannik periarfissinneqassasut. Tassani aningaaserivik piginnittuulernissamik piunasaqaatitalimmik isumaqatigiissusiorfigineqarallarsimasoq aamma neqerooruteqaqqinnissaminut periarfissaqassaaq. Aamma allatigut periarfissaasinnaavoq piginnittuulerusuttut akornanni siulliulluni aperineqarnissaq isumaqatigiissutigineqarsinnaasoq.

Piginnittuulernissamut soqutiginnittut taamaallaat suliamut peqataalersinnaapput, akileeqataassutsimik tapiiffigineqarsinnaanerminnut aningaasaqarniarnikkut niuernikkullu piunasaqaatinik naammassinnittuugunik. Taamaattoqarpat neqeroorutitut takkussinnaasut aamma naliliinissamut siunnersuisooqatigiinnit nalilerneqassapput,

taavalu neqeroorutip sorliup toqqarneqarnissaanik aalajangiineq Aningaasaateqarfimmi pissaaq.

Akileeqataassuteqarnissamik isumaqatigiissuteqarneq aamma aatsaat atuuttuulersinnaavoq aningaasalersuisartutut ingerlatsineq pillugu inatsimmi § 204 malillugu aalajangiisoqareerneratigut kiisalu unammileqatigiinnermut oqartussaaitat akuersinerisigut.

Inatsisissatut siunnersuummi matumani pineqarmat aaqquissuussineqalissasoq aningaaseriviup amigartooruteqaataanik matusissusiinnaanermik siunertalimmik, naluneqassanngilaq aningaaserivik pineqartoq nammineq aningaasaatiminik annaasaqarsimassasoq. Aningaasalersuisartutut ingerlatsineq pillugu inatsimmi § 247 taava aamma periarfissiisaaq, aningaaseriviup ajornartorsiortup siulersui pisinnaatitaassasut tuniniaanermik suliaqarnermut peqataasinnaanissamut, allatut periarfissaralugu Bankpakke III-mi atuukkunnaartitsinermik aaqquissuusaq atorlugu atuukkunnaarsinne-qarnissaaq. Taamalilluni akileeqataassuteqarnissamik isumaqatigiissuteqarnermi aningaaserivimmi ajornartorsiortumi ukiumoortumik ataatsimeersuarneq aqqutigalugu aalajangiinisoqarnisaata utaqquimaarnissaa pisariaqassanngilaq.

Akileeqataassut tunniunneqarsinnaanngilaq isumaqatigiissut atuuttuutinneqartussaq atsiorneqareersinnagu.

3.2. Akileeqataassuteqarnerup aningaasalersornera

Akileeqataassutsimik aaqquissuusaqarnissamik siunnersuut taamaallaat aningaaserivinnut aningaasanik toqqortaatilinnut atuuppoq, taamatullu Danmark-imi aningaasalersuisartutut ingerlatsinissamut akuerisaasunut, tak. aningaasalersuisartutut ingerlatsiveqarneq pillugu inatsimmi § 7.

Aaqquissuussineq Aningassaqaarniarnermut Patajaatsuuneq A/S sullissisoralugu Bankpakke III atorlugu atuukkunnaarsitsineq assigalugu Aningaasaliisut Aningaasalersuisullu Qularnaveeqqusiiffiginissaannut Aningaasaateqarfimmit aningaasalersorneqassaaq.

Taamaalilluni aningaaserivimmut ajornartorsiortumut akileeqataassuseqarnikkut iliuuseqarneq Aningaasaateqarfiup atuukkunnaarsitsinermut immikkoortoqarfianit aningasalersorneqassaaq. Aningaasalersuisartutut ingerlatsiveqarfiit atuukkunnaarsitsinermut immikkoortortaqarfiup aningaasartuutaanut isumaginnittuupput, taamaattumillu aaqquissuussineq taamatut isikkoqarluni naalagaaffimmut aningaasatigut navianaateqarfiunngilaq.

3.3. Akileraartarneq pillugu inatsit

Akileraartarnermut inatsimmi § 7 B, imm. 1-imi aalajangersagaavoq piumassutsimik namminerisamillu aaqquissuussinerit akileraartarnikkut suleriaaseqarfiginissaat aningaasaliisut aningaasalersuisullu qularnaveeqqusiiffiginissaannut aningaasaateqarfik pillugu inatsimmi § 21 tunngavigalugu. Akileraartarneq pillugu inatsisip § 7 B, imm. 2-3-vini pineqarput aaqquissuussinerit Aningassaqaarniarnikkut Patajaatsuuneq A/S aqqutigalugu pilersinneqartut akileraartarnikkut qanoq kinguneqartineqassanersut, aningaasaliisut aningaasalersuisullu qularnaveerusiiffiginissaannut aningaasaateqarfik pillugu inatsimmi § 15 a tunngavigalugu.

Piumassutsimik namminerisamillu aqqissuussinerni siunnerfiuvoq aningaaserivimmik ajornartorsiortumik ingerlatitseqqissinnaanissaq, nalilittut pigisanik akiligassaqaqfinnillu aningaaserivimmut allamut isumaginnittussanngortitsinikkut, iluatungaaticullu Aningaasaqarniarnikkut Patajaatsuuneq A/S aqutigalugu aqqissuussinerni siunertaalluni nakkutigisaasumik aningaaserivimmik ajornartorsiortumik atuukkunnaarsitsinissaq. Aningaasat, piumassutsimik aqqissuussineq aqutigalugu amigartoorutinut matusissutissatut aningaasaliissutaasut, akileraarfiususaapput. Tamatuma akerlianik aningaasat ingerlatsivimmut Aningaasaqarniarnermut Patajaatsuuneq A/S-p ataani inissisimasumut aningaaserivimmik ajornartorsiortumik atuukkunnaarsitsinermut atasumik akiliutigineqartut, ingerlatsivimmut isertitatut akileraarutaasussatut isigineqassanngillat.

Aningaasaqarniarnikkut patajaatsuussuseq pillugu inatsimmik allannguuteqartitsinikkut periarfissaalissaq Aningaasaqarniarnikkut Patajaatsuuneq A/S aqutigalugu aqqissuussinerit aammattaaq sulissutigineqarsinnaassasut aningaaserivimmik ajornartorsiortumik aningaaserivimmut allamut ingerlatsisuulersitsinikkut. Tunngaviatigut tamatumani pineqarpoq akileeqataassuseqarluni aqqissuusinertut taaneqartarnikuusup, inatsit nr. 576, 6. juni 2007-meersutigut atorunnaarsinneqartumik atuuttuulersitseqqiinertut. Tamanna tunngavigalugu siunnersuutigineqarpoq akileraaruteqartitsinnginneq taamatutaaq atuutileqqissasoq, aningaasanut aningaaseriviup piginnit-tuulersup aningaaseriviup ajornartorsiortup nalilittut pigisaanik akiligassaqaqfinnillu tigusinermigut amigartoorutinik matussusiinisaanut atugassaatut akiliutigineqartunut. Akileeqataassutsimik aningaasaliinissamut piumasaqaataassaaq, tamanna Aningaasaateqarfimmut aningaasatigut iluaqutaanerussasoq Aningaasaqarniarnikkut Patajaatsuuneq A/S aqutigalugu aqqiissuteqarnermut sanilliullugu. Taamaammatt pivirusumik akileraarutinik akiliisussaataitaannginnerup annertusaaffigineqarneratut oqaatigineqarsinnaanngilaq.

Piumassutsimik aqqissuussinermut naatsorsuutini amigartoorutit tamakkiisumik ilaannakortumilluunniit matusivigineqarnissaannut atugassanik akiliuteqarsinnaaneq nangittumik periarfissaammatt, tak. aningasaliisut aningaasalersuisullu qularnaveeqqusiiffiginissaannut Aningaasaateqarfik pillugu inatsimmi § 21 a, akileraartarneq pillugu inatsimmi § 7 B, imm. 1 allannguuteqartinnissaanik siunnersuuteqartoqanngilaq.

4. Naalagaaffimmut, kommuuninut nunallu immikkoortuinut aningaasatigut allaffissornikkullu kingunerisassat

Aqqissuussineq atorneqartillugu aningaasaateqarfik aningaasalersuisuummat, inatsisissatut siunnersuut tunngaviatigut naalagaaffimmut aningaasatigut kinguneqartussaannngilaq. Ima pisoqassagaluarpat, aqqissuussineq atorneqartillugu, Aningaasaateqarfiup aningaasaatai sinnerlugit akiliuteqartussanngorluni, taava Aningaasaateqarfik atukkiisarfiit nalinginnaasut aqutigalugit atorniarsinnaatitaavoq. Tamatuma saniatigut aqqissuussineq atuuttoq malillugu Aningaasaateqarfik periarfissaqarpoq naalagaaffik qularnaveeqqusiinissaanik qinnuteqarfigissallugu, tamannalu aningaasaqarnermut inuutissarsiornermullu ministerimit Aningaasaqarnermut Ataatsimiititaliap tapersiineratigut akuersarneqarsinnaavoq.

5. Inuussutissarsiornermut aningaasatigut allaffissornikkullu kingunerisassat

Illimagineqarpoq inatsisissatut siunnersuut toqqaannanngikkaluamik ingerlatsivinnut Danmark-imi aningaaserivittut ingerlatsisinnaanermut akuerisaasunut aningaasatigut

pitsaasumik kinguneqarumaartoq. Akileeqataassuteqarsinnaanermik eqqussinikkut Aningaasaateqarfimmit toqqarneqarsinnaalissaaq aaqqissuussineq, aningaasatigut niuernikkullu aningaaserivimmut ajornartorsiortumut tunngatillugu iliuusissaq pitsaanerpaq. Akileeqataassuteqarneq taamaallaat atorineqarsinnaavoq, paasinarpat tamanna Aningaasaateqarfimmut akikinnerpaajussasoq.

Eqqaaneqassaaq EU-Kommissionimi akileeqataassuteqarneq pillugu aningaasateqarfiit aningaasaleriaasiisa assigiissarivigineqarnissaannik siunnersuutissamik suliaqartoqarmat. Maannakkorpiaq ilimagineqarpoq suliap kinguneriumaaraa, Aningaasaateqarfimmut aningaasanik amerlanerusunik siumoortumik akiliuteqartoqartalernissaa. Taamaalilluni siunissaq isigalugu naatsorsuutigineqarpoq Aningaasaateqarfik aningaasaateqarnerulerumaartoq, tamatumalu kingunerisussaassavaa naalagaaffimmit qularnaveerusikkanik attartortariaqarnerup suli annikilliallaqqinnissa.

6. Innuttaasunut allaffissornikkut kingunerisassat

Inatsisissatut siunnersuut allaffissornikkut innuttaasunut sunniuteqassanngilaq.

7. Avatangiisinut kingunerisassat

Inatsisissatut siunnersuut avatangiisitigut sunniuteqassanngilaq.

8. EU-p inatsisaanut tunngasut

Aningaasaateqarfimmut akiliuteqartarnera inatsisitigut aalajangersagaanera pissutigalugu, akileeqataassutsimik aaqqissuussaaq EU-Kommissionimut nalunaarutigineqartussaavoq, EU-p inatsisaanni naalagaaffiup tapiissuteqarsinnaaneranut aalajangersakkat tunngavigalugit. Nalilerneqarpoq inatsisissatut siunnersuut naalagaaffimmit tapiissutinik EUF-Isumaqatigiissummi imm. 107, imm. 1-mi pineqartunik imaqartoq. Taamaattumik akileeqataassutsimik aaqqissuussineq pillugu Kommissionen allakkiorfigineqartariaqarpoq, tak. EUF-Isumaqatigiissummik imm. 108, imm. 3.

Siusinnerusukulli suliniuteqartoqarsimavoq EU-Kommissionip akileeqataassutsimik aaqqissuussinermik matumunnga assigusumik akuersissuteqarnissaa anguniarlugu. Taamanikkut inuutissarsiornermik ingerlatsiveqarfiit akornanni nalilerneqarpoq, timitaliiffiusumik aaqqissuussinermik EU-Kommissionip akuersaarsinnaanermut sinaakku-siussaanut naapertuutsitsisinissaq periarfissaqanngitsoq.

Inatsisissatulli siunnersuut manna eqqarsaatigalugu nalilerneqarpoq, akileeqataassutsimik aaqqissuussinerup akuersaarneqarsinnaanissaa periarfissaqarluartoq aaqqissuussineq timitaliinertaqarnerminik attassiinnartillugu. Taamatut isummernermut immikkut pissutaavoq, Aningaasaateqarfik taamaallaat akileeqataassusiinissamik aalajangiisinnaammat, tamanna ataatsimut isigalugu Aningaaserivimmut aningaasatigut niuernikkullu pitsaanerpaamik aaqqiinerussasoq. Aningaasaateqarfiup siulersuisui kiisalu naliliisussatut siunnersuisooqatigiit inuutissarsiuutinik ingerlatsisut sinniissaannit katitigaapput, taamaattumillu aalajangiisartutut inissisimasut soqutigisarivaat eqqanaarniassallugu aaqqiissutissamik toqqaanerup aningaasatigut qanoq tulluurtuutigineranik naliliinerup eqqortuullunilu niuernerpalaartuunissaa, ilaatillugu annertuumik soqutigisarivaat aningaaserivimmut piginnittuulersussamut akileeqataassutisip angivallaannginnissaa. Siunertarerpiarlugu aningaaserivik piginnittuulersussaq akileeqataassummik annertuallaamik pissarsinermigut pissusissamisunngitsumik aningaasatigut iluanaaruteqarnissaa, aningaasaqarniarnikkut

unammillertiminut allanut sanilliulluni pitsaanerusequt inissimalissutigisaminik, aalajangerneqarpoq akileeqaataassusiinissamik aalajangiussineq pissasoq, aningaaserivinnut sinniisuutitat marluk peqataanerisigut, aammalu aalajangiiniarnermut tunngavissat suliarineqassasut naliliisussatut siunnersuisooqatigiinnit, taakkumi ingerlatseqatigiiffiit taama ittut pillugit ilisimasaqarlutillu pissutsit pulaffigilluarsimavaat, taamaalillutillu sakkussarissaarlutik akileeqaataassuseq niuernerpalaartumik isiginnittaatsimut tulluarnersoq naliliiffigissallugu. Peqatigitillugu EU-Kommission-imi Aningaasaliisut Qular-naveeqqusiiviginissaannut Aningaasaateqarfiit pillugit malitassanngortussamik missingersuusiorminni siunniussarivaat, Aningaasaliisut Qularnaveeqqusiiffiginissaannut Aningaasaateqarfiit aningaaserivinnut ajornartorsiortunut iliuutsinut peqataasinnaanermi amerlanerusequt sakkussaqaalernissaat.

Naalaagaaffit tapiissuteqarsinnaanerit pillugu EU-mi maleruagassat pisariaqartippassuk akileeqaataassuteqarneq atorlugu aaqqissuussinerup niueqatigiinnikkut qanoq pitsaatiginersoq misileqqaarneqassasoq, ass. Aningaaseriviit piginnittuulerusuttut annertussusaat imlt. akileeqaataassutsip annertussusaa, taava akileeqaataassutsip isumaqatigiissutiginiarneranut atatillugu piumasarineqarsinnaavoq, piginnittuulerallarnerup kingorna ammasumik erseqqarissumillu piginnittuulerusullutik soqutiginnissinnaa-sunut allanut suliamik ingerlatsisoqassasoq.

Nalilerneqarpoq, siunnersuutigisatut akileraartarnikkut suleriaasissaq aaqqissuussinermut ilaasutut Kommissionimit akuerineqarsinnaajumaartoq.

9. Pisortaqarfiit suliniaqatigiiffiillu tusarniaavigineqartut

Inatsisissamik siunnersuutip Folketing-imut saqqummiunneqarneranut ilutigitillugu pisortaqarfinnut suliniaqatigiiffinnullu ukununnga tusarniaassutigineqarpoq:

Advokatrådet, Arbejderbevægelsens Erhvervsråd, Arbejdsmarkedets Erhvervssygdoms-sikring (AES), Arbejdsmarkedets Tillægspension (ATP), Arbejdsskadestyrelsen, Børs-mæglerforeningen, Danish Venture Capital and Private Equity Association, Danmarks Nationalbank, Danmarks Rederiforening, Danmarks Skibskredit A/S, Dansk Aktionær-forening, Dansk Arbejdsgiverforening, Dansk Autoriseret Markedsplads A/S, Dansk Byggeri, Dansk Ejendomsrådgiverforening, Dansk Erhverv, Dansk Forening for International Motorkøretøjsforsikring (DFIM), Dansk Industri, Dansk Investor Relations Forening - DIRF, Dansk Metal, Dansk Pantebrevsforening, Danske Advokater, Danske Forsikringsfunktionærers Landsforening, Danske Maritime, Danske Regioner, Data-tilsynet, Den Danske Aktuarforening, Den Danske Finansanalytikerforening, Den danske Fondsmæglerforening, Disciplinærnævnet for Statsautoriserede Revisorer, FDIH - Foreningen for Distance- og Internethandel, Finansforbundet, Finanshuset i Fredensborg A/S, Finansiell Stabilitet A/S, Finansrådet - Danske Pengeinstitutters Forening, Finanssektorens Arbejdsgiverforening, Finans og Leasing, Forbrugerombudsmanden, Forbrugerrådet, Foreningen af Firmapensionskasser, Foreningen af Forretningsførere for Udenlandske Forsikringsselskaber, Foreningen af Interne Revisorer, Foreningen af J. A. K. Pengeinstitutter, Foreningen af Statsautoriserede Revisorer, Foreningen Danske Revisorer, Foreningen Registrerede Revisorer, FOREX, Forsikring & Pension, Forsikringsmæglerforeningen, Frivilligrådet, Funktionærernes og Tjenestemændenes Fællesråd (FTF), Garantifonden for indskydere og investorer, Garban-Intercapital Scandinavia, Håndværksrådet, Indsamlingsorganisationernes Brancheorganisation (ISOBRO), InvesteringsForeningsRådet, ISACA Denmark Chapter, IT-branchen, KommuneKredit, Kommunernes Landsforening, Kuratorforeningen, KøbmandStandens

OplysningsBureau, Landbrug & Fødevarer, Landsforeningen af forsvarsadvokater, Landsorganisationen i Danmark (LO), Lokale Pengeinstitutter, Lønmodtagernes Dyrtidsfond (LD), NASDAQ OMX Copenhagen A/S, Nets, Parcelhusejernes Landsforening, PostDanmarks Juridiske afdeling, Realkreditforeningen, Realkreditrådet, Rederiforeningen af 1895, Regionale Bankers Forening, Regnskabsrådet, Revifora, Revisorkommissionen, Revisortilsynet, Rigsrevisionen, Sammenslutningen Danske Andelskasser, Statsadvokaten for Særlig Økonomisk Kriminalitet, Skibs- og Bådebyggeriets Arbejdsgiverforening, Telekommunikationsindustrien i Danmark, VP Securities A/S, Western Union, Savalimmiuni Namm. Oqartussat Naalagaaffiup sinniisaatigut Hjemmestyre via Rigsombudsmanden på Færøerne, Kal. Nunaanni Namm. Oqartussat Kal. Nun. Naalagaaffiup sinniisaatigut, Beskæftigelsesministeriet, Pensionsstyrelsen, Finansministeriet, Forsvarsministeriet, Justitsministeriet, Indenrigs- og Sundhedsministeriet, Kirkeministeriet, Klima- og Energiministeriet, Kulturministeriet, Miljøministeriet, Ministeriet for Flygtninge, Indvandrere og Integration, Ministeriet for Fødevarer, Landbrug og Fiskeri, Ministeriet for videnskab, teknologi og udvikling, Skatteministeriet, Socialministeriet, Statsministeriet, Transportministeriet, Udenrigsministeriet, Undervisningsministeriet, Økonomi- og Erhvervsministeriet, Økonomistyrelsen, Danmarks Statistik, Erhvervs- og Byggestyrelsen, Erhvervs- og Selskabsstyrelsen, Konkurrence- og Forbrugerstyrelsen, Patent- og Varemærkestyrelsen, Sikkerhedsstyrelsen, Søfartsstyrelsen, Den Europæiske Centralbank.

Inatsisisamut siunnersuummut aalajangersakkanut ataasiakkaanut nassuiaatit

§ 1-imut

Nr. 1-mut

Aalajangersakkap imm. 1-ata malitsigissavaa aningaaserivik ajornartorsiortoq, aningaasalersuisartunut ingerlatsineq pillugu inatsimmi § 7 allaavigalugu akuerisaasoq, aningaaserivittut ingerlatsinermut piunasaqaatinik naammassinnissinnaajunnaarpat, t.i. aningaaseriviup akiliisinnaassuseqarnermik imlt. aningaasatit minnerpaaffissaatitaanik inatsisitigoortumik naammassinnikkunnaarpat, aammalu aningaasalersuisartutut ingerlatsineq pillugu inatsimmi § 225, imm. 1 tunngavigalugu piffissaliisoqarsimappat kiisalu aningaaserivik aalajangersimappat aningaasaqarnikkut patajaatsuussuseq pillugu inatsimmi §§-ini 16 e-16 i, tak. § 16 f, imm. 1 tunngavigalugu atuukkunnasinneqarniarluni, taava aningaasaliisut aningaasalersuisullu qularnaveeqqusiiffiginissaannut Aningaasaateqarfik aalajangiissaaq, aningaseriviup salliutitassatut akiitsoqarfiinut matusissutissanik aningaasaliisoqassanersoq imlt. qularnaveeqqusiisoqassanersoq (akileeqaataassut).

Siunnersuut tunngavigalugu Aningasaqarniarnikkut Patajaatsuuneq A/S aningaasaliisut aningaasalersuisullu qularnaveeqqusiiffiginissaannut Aningaasaateqarfiup aningaaserivimmik ajornartorsiortumik atuukkunnaarsitsinermi peqataanissaminnut aalajangiineranik piviusunnngortitsisuussaaq, tassani pineqarluni aningaasaliineq imlt. Aningaa-seriviup salliutitassatut akiitsoqarfiinut matusissutissanik qularnaveeqqusiineq sakkugineqassanersut. Taamaalilluni aalajangersakkatigut matumuuna Aningaasaqarniarnikkut Patajaatsuuneq A/S aningaaserivimmik ajornartor-siortumik atuukkunnaarsitsinermut peqataanissamut marloqiusamik periarfissaqalissaaq, tassalu akileeqaataassuteqarneq imlt. aningaasaqarniarnikkut patajaatsuussuseq pillugu inatsimmi §§ -ini 16 e-16 i tunngavigalugit atuukkunnaarsitsineq sakkugisinnaallugit.

Akileeqataassuteqarnermik atuineq taamaallat pisinnaavoq, aningaaserivik ajornartorsiortoq aningaaserivimmit allamit pigineqalernissaminik aalajangiussisimatillugu. Matumani pineqarmat aningaaseriviup amigartoorutaanik matussusiinissaq, nalunangilaq aningaaseriviup nammineq aningaasaatiminik annaasaqarsimassasoq. Tamatut pisoqartillugu aningaasalersuisartutut ingerlatsineq pillugu inatsimmi § 247 tunngavigalugu aningaaseriviup ajornartorsiortup siulersuisui periarfissaqarput aningaaseriviup tunineqarnissaa siunertaralugu iliuuseqassallutik, periarfissaq alla tassaalluni Bankpakke III aqutigalugu atuukkunnaartitsinissaq (imlt. akiliisinnaajunnaartutut nalunaarutigineqarnissaa).

Tassa aningaaseriviup ajornartorsiortup nammineq akisussaaffigaa aalajangiiffigissallugu, §§-t 16 e – 16 i malillugit atuukkunnaarsinneqarnerminut atatillugu akileeqataassuteqarnermik aqqissuussineq atusserlugu imlt. akiliisinnaajunnaartutut nalunaarutigine-qarusunnerluni. Aningaaserivimmit ajornartorsiortumit aalajangiunneqarpat aningaaserivimmit allamit, aningaaseriviup nalilittut pigisaanik akiligassaqarfiinillu tigusinissamut piareersimasumit, pigineqalernissaminut peqataarusulluni, tamanna utaqqiisaasumik isumaqatigiissusiorfigineqassaaq. Isumaqatigiissut aningaaserivimmit piginnittuulersumit atorunnaarsinneqarsinnaangilaq.

Aningaasaliisut aningaasalersuisullu qularnaveeqqusiiffiginissaannut Aningaasaateqarfimmit aalajangiiffigineqassaaq, Aningaasaateqarfik aningaaseriviup ajornartorsiortup atuukkunnaarsinneqarneranut aningaasaliinikkut imlt. aningaaseriviup salliutitassatut akiitsoqarfiinut matusissutissanik qularnaveeqqusiinikkut (akileeqataassut) peqataassaner-luni, Aningaasaateqarfiup atuukkunnaartitsinermut immikkoortortaqarfiup naliliisussatut siunnersuisooqatigiianit naliliineq innersuussinerlu tunngavigalugit. Aningaasaateqarfiup siulersui aalajangiisuussapput, tak. stk. 4 kiisalu nr. 2-mut nassuiaatit. Siulersuini aalajangiiffigineqassaaq suliami tassanerpiaq niuernerpalaartumik isiginnikkut piukkunnarnerpaassanersoq aningaasaliinissaq imalt. aningaaseriviup salliutitassatut akiitsoqarfimminut matusissutissaanik qularnaveeqqusiinissaq imlt. aningaasaqarniarnikkut patajaatsuussuseq pillugu inatsimmi §§-t 16 e – 16 i malillugit atuukkunnaarsitsinissap pinngitsaaliissutaanissaa. Ilanngullugu siulersuisunit naliliivigineqassaaq, niuernerpalaarnikkut attanneqarsinnaasumik aalajangiisoqalernersoq.

Atuukkunnaarsitsinermut immikkoortortaqarfiup naliliinissamut siunnersuisooqatigiivi takkuupput, Aningaasaateqarfiup siulersuisuisa aalajangiinissaminut toqqammavissaannik suliarinnittussat. Atuukkunnaarsitsinermut immikkoortortaqarfimmi naliliinissamut siunnersuisooqatigiit nalilersussavaat, akileeqataassutsimik aqqissuussineq pisumi tassanerpiaq Aningaassateqarfimmut (aningaaserivinnut tunngasunut immikkoortortaqarfiup ataani aammalu atuukkunnaarsitsinermut immikkoortortaqarfiup ataani) tasaanersoq ataatsimut isigalugu aningaasatigut orniginarnerpaaq aammalu aaqqiineq taama ittoq niuernikkut isumaliutersuuteqarnikkuttaaq attanneqarsinnaasutut isumaqarfigine-qarnersoq.

Naliliisussatut siunnersuisooqatigiinnit aamma nalilernerqartussaavoq, aningaaserivik piginnittuulersussaaq aamma sivisunerusumut isigaluni aningaaserivimmik ajornartorsiortumik ingerlatsilluarsinnaanersoq. Tamatumunnga atatillugu pingaartinneqarsinnaavoq Aningasatigut Nakkutilliisuutitat aaqqiissutip attanneqarsinnaaneranik naliliinera aammalu tamanna tunngavigalugu Aningaasanik

Nakkutilliisuutitanit aningaaseriviup ajornartorsiortup aningaaserivimmit allamit pigineqalernissaa akuersaa-rusunneqarnersoq. Naatsorsuutigineqarpoq Aningaasaateqarfiup suliamik naliliinissaa piffissami sivikitsuinnarmi pissasoq, taamaattumillu ilimagisariaqarpoq paasissutissat ingerlaannaq pissariarineqarsinnaasut aningaaserivimmillu piginnittuulersussamit katersorneqarsimasut tunngavigineqarsimassasut. Tassa naatsorsuutigineqarpoq taamaallaat piffissami tassanerpiaq sivikitsuinnarmi pissarsiarineqarsimasut tunngavigalugit naliliisoqassasoq. Akileeqataassutsip aalajangiunneqassaguni annertussusaata assiginiartussaassavaa amigartoorut, Aningaasaateqarfik akileeqataassuteqarnissamik aalajangiussisimannikkaluarpat aningaaseriviup piginnittunngortup nammineerluni iliuuseqarfisassaralua.

Siunnersuummi imm. 2 ilanngulluni akuersissutigineqareerpat Aningaasaateqarfiup aalajangiiffigisinnaajunnaasavaa, aningaaseriviup ajornartorsiortup aktiaataanut, qularnaveeqqutitut imlt. piginneqataassutsikkut aningaasaliinernut allallu salliutitaanngitsutut aningaasat akisusaaffigisat matussusiivigineqarnissaannut aningaasaliinissaq imlt. qularnaveeqqusiinissaq, tak. aningaasaliisartutut ingerlatsineq pillugu inatsimmi §§ 132 aamma 136.

Imm. 3-kkut siunnersuutaavoq Aningaasaateqarfiup aningaasartuutit imm. 1 malillugu akileeqataassuteqarnermut tunngasut akilertassagai. Aningaasat akilerneqassapput aningaserivinnut immikkoortorta qarfitsigut. Aningaaserivimmut piginnittuulersumut akileeqataassutsip saniatigut aamma aningaasartuutitut ilaapput aningaasat Aningaasaqarniarnikkut Patajaatsuuneq A/S-imit aaqqissuussinermut sullissisuunerminut atortariaqagai, soorlu neqeroortitsisoqassatillugu pilersaarusiornera ingerlanneqarneralu kiisalu piginnittunik paarlaassinissamut atuukkallartussamik isumaqatigiissuteqarnermut.

Imm. 4-kkut imm. 1 malillugu, tassalu akileeqataassuteqarluni peqataanissamut kikkut aalajangiisuunissaat pineqarpoq, tassaallutik Aningaasaateqarfiup siulittaasua siulittaasuatalu tullia kiisalu aningaaseriviit siulersuisuni sinniisuutitaat marluk.

Aningaasaateqarfik namminerisamik aningaasaateqarfiuvoq siulersuisuisalu malittarissatik malillugit pisinnaatitaaffigereerpat aalajangiiffigisinnaallugu, aalajangiussasap suunera apeqqutaatillugu, siulersuisunit ilaasortat akornanni tassunga attuumassuteqartuinnaat aalajangiisuutissinnaallugit.

Siunnersuummi matumani taamaallaat pineqarmata aalajangiussasat aningaaserivinnut tunngasut, taassumalu saniatigut aaqqissuussineq taamaallaat aningaaserivinnit aningaasalersorneqarmat, pissusissamisoororineqarpoq aningaaserivinnut sinniissaasut taakkuussasut siulittaasoqarfik peqatigalugu akileeqataassuteqarnissaq pillugu aalajangiisartussat. Aalajangerneq tamanit isumaqataaffigineqassaaq.

Oqaatigineqassaaq, susassasaqartut assigiinngitsuneersut aalajangiinissamut peqataasut immikkut isummernerminnut akisussaasuummata, kisianni – aalajangiigassap suunera apeqqutaalluni – ilaatigut susassaqartut allat naliliinerat iluaqutiginiarsinnaallugu. Tassami inatsisissatut siunnersuummi allassimavoq, naliisussatut siunnersuisooqatigiit naliliinerat siulersuisut akileeqataassuteqarnissamik aalajangiinerannut tunngaviliisuussasoq.

Imm. 5-kkut Aningaassateqarfiup imm. 1 tungavigalugu peqataanera allanik suleqateqarluni pisinnaavoq. Assersuutigalugu imaassinnaavoq aningaa-seriviit arlallit kattullutik tigusiniartuusut.

Nr. 2-mut

Aalajangersakkat malillugit naliliisussatut siunnersuisooqatigiit nalilissavaat, qanoq akileeqataassuteqarnermut peqataanissaq orniginartiginersoq, Aningaasaateqarfiup aalajangiinissaanut toqqammavisaannik piareersaasiuunnissaat siunertaralugu. Tassani naliliinermut siunnersuisooqatigiinnit eqqumaffiginiarneqassapput niueqatigiinnikkut pissutsit, kisianni aamma ingerlatsiviup aningaasarsiornikkut ingerlasinnanera ilanngullugu nalilersussavaat. Tutsuiginartumik uppersarsiniarneqassaaq, ilumut paasissutissat pigineqartut tungavigalugit akileeqataassuseqarnikut peqataaneq Aningaasaateqarfimmut akikinnerunissaa ilimanaateqarluortoq, aningaaserivimmik ajornartorsiortumik aningaasaqarniarnikkut patajaatsuussuseq pillugu inatsit tungavigalugu atuukkunnaarsitsinerup atorneqarneraniit. Atuutsinneqarneraniit.

Aalajangiiniarnermut atortussani uppersarsineqarsinnaassaaq Aningaasaateqarfimmut aningaasartuutissat (aningaaserivinnut immikkoortortaqarfimmut tungassuteqartut aammalu atuukkunnaarsitsinermut immikkoortortaqarfimmut tungassuteqartut ilaatillugit) periarfissat taakku marluk atoranni qanoq annertutigissanersut: atuukkunnaarsitsinermut aaqqissuussineq atorlugu atuukkunnaarsitsineq atoraanni aningaasartuutissatut ilimagineqartut aammalu akileeqataassuseqarluni peqataagaanni aningaasartuutissatut ilimagineqartut.

Atuukkunnaarsitsinermut atasumik Aningaasaateqarfimmut aningaasartuutissatut eqqarsaatigineqarput Aningaasaateqarfiup aningaasaliisussanut akiliutissaat (aningaaserivinnut immikkoortortaqarfimmit aningaasalersorneqartut) aammalu Aningaasaate-qarfiup atuukkunnaarsitsinermut atasumik annaasaqarsinnaanermut qularnaveeqqusiisariaqarnisaa (atuukkunnaarsitsinermut immikkoortortaqarfimmit aningaasalersorneqartussat).

Aningaasaqarniarnikkut Patajaatsuuneq A/S pisussaavoq naliliisussatut siunnersuisooqatigiit naliliinissaanut uppersarsaatissatut paasissutissatullu atugassaannik pissarsiniarnermi ikiuutissallutik, tassami naliliivigineqartussaavoq paasissutissat saqqummiunneqarsimasut tungavigalugit akileeqataassuteqarnikkut peqataaneq Aningaasaateqarfimmut pitsaanerussanersoq, atuukkunnaarsitsinermut periuseq aningaasaqarniarnikkut patajaatsuussuseq pillugu inatsisip ataani atuuutereersumut sanillilullugu. Tamanna ingerlanneqassaaq Aningaasaqarniarnermut Patajaatsuuneq A/S-imi naliliisartuutit aningaaseriviup ajornartorsiortup ingerlataannik misissuinerisigut, aningaasaqarniarnikkut patajaatsuussuseq pillugu inatsisip ataani atuukkunnaarsitsisoqarsinnaaneranut piareersaatit, aamma naliliinerit taakku nalileeqqiinermik immikkut ilisimasalinnit, naliliisussatut siunnersuisooqatigiinnit toqqarneqarsimasunit, naliliivigineqaaqqissapput nikingassummik aalajangiussinissamut atugasatut, tak. Aningaasa-qarniarnikkut patajaatsuussuseq pillugu inatsimmi § 16 g, imm. 7.

Aaqqiissutissap Aningaasaateqarfimmut aningaasatigut imminut akilersinnaanerunissaata saniatigut, taava Aningaasaateqarfiup uppersarsarsinnaassavaa, sooq akileeqataassuteqarnissaq imminut akilersinnaasutut nalilernerlugu, ilaatillugu pisisussap aningaasatigut imminut akilersinnaassuseqarnera aammalu aningaaserivimmik

ajornar-torsiortumik tigusinissaminut sapiunnaanginnera. Aningaaserivik tiguisusaaq piginnittuulereermigut imminut akilersinnaassuseqassaaq, aamma ungasinnerusooq eqqarsaatigalugu kiisalu aamma aningaasatigut aqutsinikkullu il.il. piginnaassuseqarfigissallugu aningaaserivimmik ajornartorsiortumik ingerlatitseqqiisinaanissaq, taamaalilluni aningaaserivimmik ajornartorsiortumut aaqqiissummik ataavarsinnaasumik pilersitsisoqarniassamat.

Aningaasaateqarfimmut atugassianngorlugu taamatut naliliisussatut siunnersuisooqatigiit naliliinerannut tapertaasinnaavoq Aningaasanut Nakkutilliisuutitat aningaaserivimmik piginnittuulersussamik naliliinerat aamma allamit pigineqalernissaanik akuersissutaa kiisalu paasisutissat allat, naliliisussatut siunnersuisooqatigiit pisariaqartut isigineqartut, arlaannaanulluunnit attuumassuteqanngitsumik aaqqiissutissap niuerner-palaartumik attanneqarluarsinnaaneranik naliliinermi.

Naliliisussatut siunnersuisooqatigiit akileeqaataassuteqarnissamat malitassat malinneqarnerannik nalilersuinerannut atatillugu, ilaasortat paasisutissanik isertuuttarialinnik pissarsisinaanapput. Taamaattumik aningaaserivik naliliisussatut siunnersuisooqatigiinni ilaasortaataqartoq aningaaserivimmik ajornartorsiortumik pisinnissamat neqerooruteqarsinnaangilaq, ilaasortaq pineqartoq naliliisussatut siunnersuisooqatigiinni nalilersueqaataasimappat.

Naliliisussatut siunnersuisooqatigiinni ilaasortat aamma aningaaserivimmik ajornartorsiortumi kingusinnerusukkut pisisussarsiuuneqartussaasinnaasumi suliffeqartut taassuma naliliiffiqineqarneranut peqataaqusaanngillat.

Nr. 3-mut

Naliliisussatut siunnersuisooqatigiinni ilaasortat arlaat innersuussutissamik nalilersuinermi suliaqarnermilu peqataasinnaangitsillugu, tak. aalajangersagassatut siunnersuummi § 5, imm. 8, sulisinnaassuseqarluarnissaat eqqanaarniarlugu siunnersuutigineqarpoq naliliisussatut siunnersuisooqatigiinnut sinniisussanik toqqaasoqassasoq, ilaasortassanik toqqaanermi periutsinut assigusumik. Tassa imaappoq, aningaasaqarnermut inuussutissarsiornermullu ministeri sinniisussanik toqqaassaaq, Aningaasanut Nakkutilliisuutitat innersuussinerisigut, sinniisussallu ukiut pingasut tikillugit atuuttussatut toqqaarneqassapput.

Sinniisussat naliliisussatut siunnersuisooqatigiinnut ikkutissapput, ilaasortaq ataaseq arlallilluunnit isumaqarpata suliamut attuumassuteqarneq pillugu peqataasinnaanissaq § 5, imm. 8 tunngavigalugu apeqquuserneqarsinnaasoq.

Tamatununga ilutigitillugu eqqaasitsissutigineqassaaq nipangersimasussaatitaanermik aalajangersagaq, inunnut piumassutsimik aqqisuussinermut attuumassuteqartunut kap. 7 a malillugu atuuttoq, aamma naliliisussatut siunnersuisooqatigiinnut atuummat.

Aalajangersakkamut nassuiaatit allat nangittumik atuutissapput.

§ 2-mut

Imm. 1 malillugu Aningaasaqarniarnikkut Patajaatsuuneq A/S akileeqaataassuteqarnermi peqataassaaq. Taamaattoq Aningaasaqarniarnikkut Patajaatsuuneq A/S aatsaat peqataassaaq, tamanna Aningaasaateqarfimmit aalajangiunneqarpat, tak. aningaasaliisut

aningaasalersuisullu qularnaveeqqusiiifiiginissaanut Aningaassateqarfik pillugu inatsimmi § 2.

Aningaasaqarniarnikkut Patajaatsuuneq A/S aatsaat peqataassaaq, tamanna Aningaasaateqarfimmit aalajangiunneqarpat. Aningaasaateqarfiup atuukkunnaarsitsinermut immikkoortortani nalilerneqasaaq sorleq Aningaasaateqarfimmi siulittaasumit siulitaasullu tullianit siulersuisuni aningaaseriviit sinniisuutitaat marluk peqatigalugit aalajangiiffigineqassanersoq.

Aningaasaqarniarnermut Patajaatsuuneq A/S peqataasussaatitaavoq uppersaatissanik paasisutissanillu naliliisusatus siunnersuisooqatigiit atugassaannik pissarsinissamut.

Aningaasaqarniarnermut Patajaatsuuneq A/S taamaalilluni kisimi Aningaasaateqarfiup aalajangigaanik sullissisussaatitaavoq. Aningaasaqarniarnermut Patajaatsuuneq A/S-imit tamatuma kingorna akileeqaataassusiinerup naammassinissaanut suliaasannaasunit tamanit isumaginnittuussaaq, ilaatigut piumasarineqarsimappat ammasumik erseqqarissumillu pisisussarsiuussinissaq kiisalu atuukkallartussamik aningaaserivimmik tiguisissamut isumaqatigiissuteqarnissaq suliniutigissallugu, piareersassallugu piviusunnortissallugulu.

Siunnersuummi imm. 2-p malitsigissavaa, aningaaseriviup piginnittuulersussap akileeqaataaffigineqarnissaminik aammalu taassuma annertussusissaanik kissataata niueqatigiinnikkut pitsaasuunera eqqanaarumallugu, Aningaasaqarniarnikkut Patajaatsuuneq A/S-ip aningaaseriviullu tiguisissap akornanni piumasaqatitalimmik isumaqati-giissusiortoqarsinnaanera. Tamanna minnerunngitsumik pisinnaassaaq, taamatut iliuuseqarnissaq pisariaqartinneqarpat EU-mi naalagaaffiit tapiissuteqarsinnaanerannut aalajangersakkanut tulluutuutikkumallugit.

Akileeqaataasuteqarnissamik isumaqatigiissuteqarneq taamatut piumasaqaatitalerneqarsinnaavoq, aningaaserivinnut allanut Aningaasaqarniarniarnikkut Patajaatsuuneq A/S-ip piffissaliussaata iluani piginnittuulernissamut soqutiginnissinnaasunut ammasumik erseqqarissumillu periarfissaliisoqarnissaanik, taakku aningaaseriviup ajornartorsiortup ”allattugaataanik” neqerooruteqarnissaq siunertaralugu qimerluuereernerisigut. Pisinissamut soqutiginninnermik ersersitsisimasut neqeroorfigineqassapput, taamaattumillu taakkununga naammaginakannersumik piffissaliisoqassaaq. Taamaalilluni piffissaliineq allaat sivikitsuaraasinnaavoq - ass. ullut marlussuit.

Piumasaqaatitalimmik isumaqatigiissusiornikkut isumaqarnarpoq imatut aqqiisoqassasoq, Aningaasanut Nakkutilliisuutitat periarfissinneqarsinnaallutik, aningaaserivimmut aningaasalersuisartutut ingerlatsinermut inatsimmi § 225 malillugu piffissaliussaasimasumik sivitsuisinnaanermik.

Aningaaseriviup ajornartorsiortup nalilittut pigisaanut salliutitaasussatullu akiligassaqarfiinut akileeqaataasuteqarnissap annertussusissaa taamaalilluni soqutiginnittunut misilinneqassaaq, ammasumik erseqqarissumillu pisisussarsiuussinikkut. Nalilittut pigisat akiitsullu tunineqassapput annikinnerpaamik akileeqaataaffigineqarnissamut piumasaqarluni neqerooruteqartumut.

Piginnittuulernissamut soqutiginnittut taamaallat suliamut peqataanissamut akuersarneqarsinnaapput, Aningaasaqarniarnikkut Patajaatsuuneq A/S-imit imminut akilersinnaassuseqarnissamik aningaasatigullu piginnaassuseqarnissamik piumasaaqatinik naammassinnissinnaasutut nalilerneqarunik, taakkumi aatsaat eqquutsinneqarpata Aningaasaateqarfik akileeqataassuteqarnissamik aalajangiisnaammatt.

Aningaasaqarniarnikkut Patajaatsuuneq A/S-ip ilisimatitsissutigissavaa, akileeqataassuteqarnermik isumaqatigiissut aatsaat atuutilersinnaasoq § 204, imm. 1 malillugu aalajangiisoqarpata aammalu unammilleqatigiinnermut aalajangiisartuusut akuersippata. Taassuma saniatigut isumaqatigiissut aningaaserivimmit piginnittuulersumit atorunnaarsinneqarsinnaangilaq – kisiannili aallatuulli nutaamik neqerooruteqarnissamik periarfissaqarluni - pisisussarsiuussineqassagalarpat aammalu neqeroorut annikinnerusumik akileeqataassuteqarnissamik kinguneqartitsissappat.

Aningaasaateqarfiup tungaaniit akileeqataassuteqarnissap akuersaartumik isummerfigineqarnera nalunaarutigineqarsinnaavoq isumaqatigiissutaagallartup inissinneqarnerani imlt. Aningaasanut Nakkutilliisuutitanit piffissaliussap naannginnerani, kisianni akileeqataassut aatsaat tunniunneqarsinnaavoq inaarutaasumik isumaqatigiissusiortoqarpata.

Imm. 3 malillugu aningaasaqarnermut inuutissarsiornermullu ministeri pisinnaatitaassaaq Aningaasaqarniarnermut Patajaatsuuneq A/S-ip aningaaserivimmik ajornartorsiortumik akileeqataataassuseqarneq atorlugu suleriaaseqarnera pillugu malittarisassanik erseqqissaasuteqarsinnaanermut. Aammattaaq aningaasaqarnermut inuussutissarsiornermullu ministeri pisinnaatitaassaaq erseqqarinnerusumik malittarisassiornissamut Aningaasanut Nakkutilliisuutitat, Aningaasaqarniarnermut Patajaatsuuneq A/S-ip kiisalu Aningaasaateqarfiup akornanni suleqatigiissinnaanermik aqquutissiuussisunik. Malittarisassat imarisinnaavaat ulluinnarni suleqatigiinnerup erseqqissaavigineqarnera, paasissutissanik paarlaaseqatigiinneq aamma tigusinissamik neqeroorusiornermut tunngasut, ilaatinneqarsinnaallutik pisisussarsiuussinerup aningaasalersorneqarnissaa il.il. Piginnaatitsineq ilaatigut aamma atorneqarsinnaavoq erseqqissaatinik malittarisassiuussinerumut, qaqugu qanorlu ammasumik erseqqarissumillu pisisussarsiuussinerup ingerlanneqarsinnaaneranut. Aamma ilaatinneqarsinnaapput erseqqinnerusumik malittarisassat taarsiisuteqarsinnaanermut (break-up fee) aamma atortorissaarutinut aningaasartuutillu, aningaaserivimmik utaqqiisaasumik isumaqatigiissuteqarfigisimasamit neqerooruteqareernerullu kingorna qinerneqanngitsoortumit atugassanngortinneqarsimasunut matussuserneqarnissaannut tunngasut.

§ 3-mut

Nr. 1 aamma 2-mut

Aningaasaliisut aningaasalersuisullu qularnaveeqquusiiffiginissaannut Aningaasaateqarfik pillugu inatsimmi § 15 a malillugu Aningaasaateqarfiup matusivigisussaavai siulequtaasimasut, aningaaserivup ajornartorsiortup nalilittut pigisaminik akiligassaatinimillu Aningaasaqarniarnikkut Patajaatsuuneq A/S-ip ataani ingerlatsivimmut tunniussinerani atorneqarsimasut. Aningaaserivup ajornartorsiortup nalilittut pigisaminik akiligassaatinimillu Aningaasaqarniarnikkut Patajaatsuuneq A/S-ip ataani ingerlatsivimmut tunniussineranut atatillugu siulequtitut atorneqartut

Aningaasaateqarfimmillu akilerneqartut, akileraartarnermut inatsimmi § 7 B, imm. 2 malillugu isertitatut akileraarutaaffigisassatut naatsorsuunneqassanngillat.

Akileraartannginissamut illuatungiliutsillugu Aningaasaqarniarnikkut Patajaatsuuneq AS-imit pisussaatitaaffiit Aningaasaateqarfiup akiliineratigut matusivigineqartut, ajornartorsiortumit nalilittut pigisatut tiguneqartut akileraarutitassaasa naatsorsornerani ilanngunneqarsinnaanngillat. Ilutigitillugu akileraartarnermut inatsisip § 7 B, imm. 3-tigut killiliivigineqarpoq aningaaseriviup ajornartorsiortup isertitat akileraarutaasussat naatsorsornerini amigartoorutiminik iluaquteqarniarsinnaanera, taamalu amigartoorutit Aningaasaateqarfimmit akilerneqartussanngorsimasut akileraarusiiffigisassaminnut apparsaatitut atorsinnaanngilaat. Killiliinermi pineqarput aningaasaateqarfiup ajornartorsiortup akileraartarnikkut amigartoorutai tamakkerlugit, amigartoorutit Aningaasaateqarfiup akilertariaqaligaanit amerlanerugaluarpataluunnit.

Aningaasaqarniarnikkut patajaatsuunissaq pillugu inatsisip allannguuteqartinnerani pineqarpoq, Aningaasaqarniarnermut Patajaatsuuneq A/S-p periarfissinneqarnissaa aningaaseriviup ajornartorsiortup atuukkunnaarsinneqarnissaanut peqataanissaminut, aningaasaliineq imlt. aningaaseriviup salliutitassatut akiitsoqarfiinut matusissutissanut qularnaveeqqusiineq atorlugit. Tamanna pissaaq aningaaseriviup ajornartorsiortup nalilittut pigisaminik akiligassaqarfimminillu aningaaserivimmut allamut ingerlatsisuulernissamik soqutiginnittumut tunisinerani, tassungalu atasumik amigartoorutigineqartut Aningaa-saateqarfimmit akilerneqartussanngussallutik. Siunnersuutigineqarpoq akiliutit taama ittut akileraarusiiffigineqassanngitsut, soorlu aamma Aningaasaqarniarnermut Patajaatsuuneq A/S-ip ataani ingerlatsiveqarfimmut atuutereersoq, aningaaserivimmik ajornartorsiortumik atuukkunnaarsitsisoqartillugu.

Malittarisassatigut tamatuma asserpiaa 2007 tikillugu akileraartarnermut inatsimmi § 7 B malillugu atuuppoq, tassani pineqarlutik aningaasat Aningaasaateqarfimmit akiliutigineqartut tamakkiisumik ilaannakortumilluunnit amigartoorutinik matusissutissatut, aningaa-serivimmit nalilinnik pigisanik akiligassanillu aningaaserivimmut allamut tunisineranut atatillugu.

Siunnersuutigineqarpoq akileraartussaataaanninneq illuatungilerneqassasoq akileraartarnermut inatsimmi § 7 B, imm. 2-3-kkut maleruagassat atuutereersut atorlugit, taamaalilluni siulequtigineqartut pigilikkanut pisissutinut ilaasutut taaneqarsinnaanatik, soorluttaaq aningaaseriviup ajornartorsiortup akileraartarnikkut amigartoorutini nutaamik ingerla-taqalissagaluarani iluaqutiginarsinnaanngikkai.

§ 4-mut

EU- Kommissionenip akuersissuteqarnissaa eqqanaarusullugu siunnersuutigineqarpoq aningaasaqarnermut inutissarsiornermullu ministeri pisinnaatitaassasoq inatsisip atuutilerfissaanik aalajangiinissamut.

§ 5-imut

Imm. 1-kkut siunnersuutigineqarpoq, akileraartarneq pillugu inatsimmi aamma aningasaliisut aningaasalersuisullu qularnaveeqqusiiffiginissaat pillugu inatsimmi allannguinerit Savalimmiunut Kalaallillu Nunaannut atuutissanngitsut. Aningaasaqarniarnikkut patajatsuuksuseq pillugu inatsimmi allannguutit toqqaannartumik Savalimmiunut Kalaallillu Nunaannut atuupput.

Imm. 2-kkut siunnersuutigineqarpoq aningaasaliisut aningaasalersuisullu
qularnaveeqqusiiffiginissaat pillugu inatsimmik allannguineq Kalaallit Nunaannut
Savalimmiunullu tamakkiisumik ilaannakortumilluunnit
atuutussanngortinneqarsinnaasoq, allanngunerit Kalaallit Nunaanni Savalimmiunilu
pissutsinit tunngaveqartut ilaatillugit.